



لجنة أهالي المخطوفين
والمفقودين في لبنان

بيروت 26/1/2016

باسم لجنة أهالي المخطوفين والمفقودين في لبنان، أسجل
الشكر لجمعية "نعمل من أجل المفقودين" ولسائر
الهيئات المتعاونة معها في مشروع "فسحة أمل"
والداعمة له. ومع تقديرنا لدوافع إطلاقه، فإننا نرى أهمية
لتوضيح وتأكيد النقاط التالية:

- إن نضالنا الذي دخل عامه الرابع بعد الثلاثين ما
كان قادراً على الاستمرار حتى هذه اللحظة لولا
تسلّحنا بسلاحين أساسيين اثنين: الحق والأمل..
شو منعني بالحق؟ يعني حق كل واحد ووحدة منّا
يعرف وينوي الشخص اللي فقدو، وشو صار فيه..

"خطي الله يصبركن.. بكيّتونا.. عن جد، بتحرقوا
القلب...!!"

كلام ياما سمعناه وبعدنا منسمعو خلال مسيرتنا
الطويلة والصعبة سواء شافونا الناس حاملين صور
مفقودينا بالطرقات أو عالتلفزيون عم نتظاهر
ونطالب المسؤولين بولادنا.. نحن ما منقبل التعاطف
مع قضيتنا يكون بسّ عالمستوى العاطفي..

وهون من المفيد نذكر الكل إنو حق المعرفة هوّي
مبدأً عام كرّسته المعاهدات والمواثيق الدولية،
وبالتالي هوّي منّو موضوع منّة من حدا ولا شفقة..
وبحب نذكر بشي كثير مهم تحقق هوّي اعتراف
القضاء اللبناني بهالحق واللي كرّسو بقرار صدر
سنة الـ 2014.

وأما الأمل، نحنّا عنا فائض منّو.. وإلا، كيف بعدنا
واقفين عا اجرينا من 34 سنة، كيف بعدنا
مكفايين...!!

بعتمد 34 سنة منن قلال... فالمرأة اللي كانت صبيّة
مثلي بالثلاثين وقتا انخطف زوجها، صارت اليوم
بالـ 64...!!

- بالحق والأمل، والمثابرة عا مدار كل هالسنين،
قدرنا بمطبخنا التجريبي، أقصد النضالي، نحضّر

ونختبر تقريبا كل الوجبات والطعمات .. آخر وحدة
 نجحنا فيها كانت الحكم يلي صدر عن مجلس شوري.
 هالنجاح المهم كثير، قدّمناه ومنقّدمو للكل، لأنّو حق،
 مش بس لأنا، لأكن، لكل المجتمع. وحضورنا اليوم
 هون هوّي لتأكيد أهمية وفاعلية هالقرار من جهة،
 وخطورة الاستخفاف والتفريط فيه من جهة أخرى.
 حضورنا اليوم هوّي للتشديد على ضرورة ترجمة
 هالقرار بما يضمن حل القضية بشكل مقبول ويلي
 منشوفو عبر تحقيق أمرين بديهيين:

- 1- _ تنفيذ: البدء الفوري بجمع وحفظ العينات
 البيولوجية من أهالي المفقودين والمخفيين قسرياً
 (DNA) لزوم التعرف على هويات الرفات إن
 وُجدت، وتسهيلاً للتمييز بين العظام التي يتم
 العثور عليها، إن كانت تعود لإنسان أو لحيوان.
- 2- تشريعي: الإسراع إلى إقرار اقتراح قانون
 حول الأشخاص المفقودين والمخفيين قسرياً
 والموجود لدى اللجنة النيابية لحقوق الانسان.

نحننا ضنينين بهالحق (حق المعرفة) .. وصرنا
 قاطعين شوط كبير بالأمل.. وأيّاً ضو إضافي، مهما

كان صغير، ينسجم مع رؤيتنا وحقنا من رَحْب فيه،
ومنحط إيدنا بإيدو وسوا عا فسحة العمل..

جهوزية فسحة العمل مفتوحة لكل الراغبين،
وبتتخطى العالم الافتراضي، وهون بتذكر شو كتبت
الصحافية منال شعيا بجريدة النهار من يومين "ربما
لا تحتاج صونيا عيد الى اطلاق موقع الكتروني
لتخبر الجميع ان ابنها جهاد، لا يزال معتقلا في
السجون السورية.."

فالمفقودون كثر.. والمخفيون قسريا كثر.. وكلنا في
الهم قضية..

الانسان قضيتنا.. الحقيقة حقنا.. المواطنة
مشروعنا.

الدعوة لتوقيع العريضة وشراء الكرونة